



**Geschichte der geistlichen Stiftungen, der adlichen
Familien, so wie der Städte und Burgen der Mark
Brandenburg**

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1842

XIV. Des Pabstes Eugen Befehl über die blutigen Hostien zu Wilsnack eine
confecrirte Hostie zu legen, vom Jahre 1446.

Nutzungsbedingungen

[urn:nbn:de:hbz:466:1-54306](https://nbn-resolving.org/urn:nbn:de:hbz:466:1-54306)

ficationis, Assumptionis et Natiuitatis beatae Mariae virginis, nec non Natiuitatis beati Johannis, ac Apostolorum Petri et Pauli, ac sancti Bartholomaei praedictorum, festiuitatum Octauas, et per sex dies dictum festum pentecostes immediate sequentes praedictam Ecclesiam deuote uisitauerint annuatim, et ad conseruationem huiusmodi, manus porrexerint adiutrices, in sancti Bartholomaei uidelicet, septem annos et totidem quadragenas, In singulis uero aliarum festiuitatum et celebratis praedictarum, quatuor annos et totidem quadragenas, Octauarum uero et sex dierum praedictorum diebus, quibus Ecclesiam ipsam uisitauerint, manusque adiutrices porrexerint, ut praefertur, centum dies de iniunctis eis poenitentibus misericorditer relaxamus. Et nihilominus, ut fideles ipsi indulgentias huiusmodi uerius et salubrius consequi valeant, ac illae eis amplius fiant profuturae, Rectori pro tempore existenti, ac duobus idoneis Capellanis secularibus eiusdem Ecclesiae ad id per ipsum Rectorem pro tempore deputandis, omnium et singulorum ad dictam Ecclesiam consequendis pro indulgentibus quocumque et uidecunq; confluentium, autoritate Apostolica confessiones audiendi, illisque auditis, pro commissis, nisi talia fuerint propter quae sedes praedicta merito fuerit consulenda, antedictam absolutionem impendendi et iniungendi poenitentiam salutarem, plenam et liberam licentiam concedimus, pariter et facultatem praesentibus, perpetuis futuris temporibus ualituris. Volumus autem, quod si alias praedictam Ecclesiam uisitantibus et ad conseruationem huiusmodi, manus adiutrices porrigentibus, aut inibi pias Eleemosynas erogantibus, seu alias aliqua alia indulgentia in perpetuum, uel ad certum tempus nondum elapsum duratura, per nos concessa fuerit, illa sic concessa, ex nunc duntaxat nullius sit roboris uel momenti. Datae Romae apud Sanctum Petrum, Anno incarnationis dominicae, Millesimo, quadringentesimo, quadagesimo sexto, quarto Non: Januar: Pontificatus nostri anno sextodecimo.

Nach Rüdike.

XIV. Des Pabstes Eugen Befehl über die blutigen Hostien zu Wilsnaek eine consecrirte Hostie zu legen, vom Jahre 1446.

Eugenius Episcopus, Seruus seruorum Dei, Venerabilibus fratribus Huelberg: et Lubecens. Episcopis, Salutem et Apostolicam benedictionem. Decet Romanum pontificem pijs supplicum uotis libenter annuere, et Apostolicum fauorem liberaliter impertiri. Exhibita siquidem nobis nuper pro parte dilecti filij Nobilis uiri Friderici Marchionis Brandenburgensis petitio continebat, quod cum dudum sexaginta annis decursis et ultra, in parochiali Ecclesia loci de Wilsnaek Huelbergenensis dioecesis per nonnullos sacrilegos et uolentos incendiarios tunc ignis voragine penitus consumpta, tres paruae hostiae, consecratae, quae pro infirmis referuabantur, in quodam corporali pro parte combusto, non sine magna etiam tunc uiuentium fidelium admiratione, repertae fuissent sanguine resperstae, ob transformationem huiusmodi, tot miracula in dicta Ecclesia operatus est omnipotens Deus, ut clarae memoriae Carolus imperator tunc in humanis agens, nec non Franciae, Angliae, et Bohemiae reges, ac alij duces principes seculares, nec non literatae et insignes personae in numero copioso ad eandem Ecclesiam deuotionis causa confluerint, et quam plures ex eis affirmarent etiam medio iuramento, se in ipsorum infirmitatibus omni humano destituti auxilio, ad inuocationem diuini nominis offerentes, se praedictam Ecclesiam ob uenerationem Sacramenti huiusmodi deuote uisituros, suarum petitionum celere fuisse consecutos effectum, et propterea Christi fidelium multitudo de diuersis partibus deuotionis causa ad praefatam Ecclesiam diem seu pluribus anni diebus etiam confluerint, ac confluunt de praesenti. Et sicut eadem petitio subiungebat, si hostiae transformatae praedictae singulis diebus quibuslibet ipsam Ecclesiam uisitan-

tibus ostendi deberent, et ostenderentur, ex frequentatis huiusmodi ostensionibus possent, forsan praedictae hostiae in earum qualitatibus alterari, vel si non ostenderentur, fidelium deuotio forsan cessaret. Quare pro parte eiusdem Marchionis afferentis praedictum locum eius temporali dominio subesse, nobis fuit humiliter supplicatum, vt super his oportune prouidere de benignitate Apostolica dignemur. Nos igitur huiusmodi supplicationibus inclinati, fraternitati vestrae per Apostolica scripta mandamus, quatenus vobis expediens videatur, quo ad infra scripta concessio fiat, super quo conscientias vestras oneramus, Rectori dictae Ecclesiae qui est et pro tempore erit, quod vnā aliam hostiam consecratam apud ipsas hostias transformatas ponere, sicque positam, prout visum fuerit, renouare, et fidelibus praedictis singulis anni diebus ostendere libere licite possit ac valeat, auctoritate nostra concedatis. Non obstantibus Constitutionibus et ordinationibus Apostolicis, caeterisque contrarijs quibuscunque. Datae Romae apud sanctum Petrum, Anno incarnationis Dominicae Millesimo, quadringentesimo, quadragesimo sexto, Non. Febr. Pontificatus nostri anno sexto decimo.

Nach Lüdtkf.

XV. Ablassbrief des Pabstes Nilolaus für das heilige Blut zu Wilsnack,
vom Jahre 1447.

Nicolaus Episcopus, Seruus seruorum Dei. Vniuersis Christi fidelibus praesentes literas inspecturis, salutem et Apostolicam benedictionem. Sacratissimum corpus Domini nostri Jesu Christi, qui suae passionis horam contingens, carnem in cibum et sanguinem eius in poculum exhibuit populo Christiano, decet Christi fideles pro deuotionis reminiscencia venerari, panem caelestem quo nos spiritualiter reficit, veluti nostrae qua regredimur peregrinationis viaticum deuotis mentibus exorare. Cum itaque, sicut accepimus ad Parochialem Ecclesiam in Wilsnack Hauelberg, dioecesis, in qua, prout pie creditur euentissimis miraculorum indicijs tres hostiae transformatae conseruari firmantur, magna de diuersis mundi partibus singularis causa deuotionis confluere fidelium eorundem consueuerit multitudo, Nos intimis gestientes affectibus, vt ipsa deuotio feruentius vigeat et augeatur, ac iugis de miraculis et transformatione huiusmodi posteris memoria resultet, quod apud hostias praedictas, siue locum, quo condecenter illas reponi contigerit, quotiens Rectori dictae Ecclesiae pro tempore existenti videbitur, alia consecrata hostia in vase vel Crystallo congruenti poni, nec non fidelibus praefatis ad maiorem eorum compunctionem ostendi valeat, serie praesentium indulgemus, et vt Ecclesia congruis per amplius frequentetur honoribus atque conseruetur, nec non fideles ipsi libentius eo confluant ad eandem, et ad conseruationem huiusmodi promptius manus porrigant adiutrices, quo ex hoc ibidem dono coelestis gratiae conspexerint vberius se resectos, omnipotentis Dei misericordia, beatorumque Petri et Pauli Apostolorum eius auctoritate confisi, omnibus vere poenitentibus et confessis qui in festiuitate sacratissimi corporis praedicti Ecclesiam deuote visitauerint annuatim, et ad conseruationem huiusmodi, nec non ipsius fabricam Ecclesiae manus adiutrices porrexerint, septem annos et totidem quadragenas de iniunctis eis poenitentijs misericorditer relaxamus, praesentibus perpetuis futuris temporibus duraturis. Volumus autem, quod si alias visitantibus Ecclesiam, aut ad conseruationem seu fabricam huiusmodi manus porrigentibus adiutrices, vel alias inibi pias Eleemosinas erogantibus seu alias aliqua alia indulgentia in perpetuum, vel ad certum tempus nondum elapsum duratura, per nos concessa fuerit, ipsae praesentes literae nullius existant ro-